

Na osnovu člana 13. stav (2) Pravilnika o uslovima, kriterijima i postupku za utvrđivanje prava na jednokratnu bespovratnu dodjelu finansijskih sredstava za pomoć u rješavanju stambenih potreba socijalno ugroženih branilaca i članova njihovih porodica u 2016. godini, broj: 15/2-02-6784/16 od 09.03.2016. godine SLUŽBA BORAČKO - INVALIDSKE ZAŠTITE GRADA/OPĆINE Doboj Istok, raspisuje

## O G L A S

**za podnošenje zahtjeva za dodjelu jednokratnih bespovratnih sredstava za pomoć u rješavanju stambenih potreba socijalno ugroženih branitelja i članova njihove porodice na području Tuzlanskog kantona za 2016. godinu, u gradu/općini Doboj Istok**

### I Korisnici prava

Pravo na dodjelu sredstava po Pravilniku o uslovima, kriterijima i postupku za utvrđivanje prava na jednokratnu bespovratnu dodjelu finansijskih sredstava za pomoć u rješavanju stambenih potreba socijalno ugroženih branilaca i članova njihovih porodica u 2016. godini (u daljem tekstu: Pravilnik) i ovom oglasu imaju:

- lice iz člana 1. stav (1) Zakona o dopunskim pravima branitelja i članova njihovih obitelji, ("Službene novine Tuzlanskog kantona", broj: -prečišćeni tekst 5/12 i 5/14 u daljem tekstu, Zakon),
- lice iz člana 4. Zakona,
- lice u statusu: djeteta porodice šehida - poginulog, umrlog i nestalog branitelja (u daljem tekstu: PŠ-PB), supruga šehida - poginulog, umrlog i nestalog branitelja, supruga umrlog ratnog vojnog invalida (u daljem tekstu: RVI) i supruga umrlog demobilisanog branitelja (u daljem tekstu: DB) sa malodobnim djetetom/djecom ili djetetom/djecom koja se nalaze na redovnom školovanju do navršenih 25. godina života, kod kojih dokaz o vlasništvu na zemljištu i građevinska dokumentacija glasi na branioca.

### II Uslovi za ostvarivanje prava na dodjelu jednokratne pomoći

Pravo na jednokratnu pomoć lice može ostvariti pod uslovom da:

- a) ima stalno mjesto prebivališta na području Kantona,
- b) ostvaruje pravo iz oblasti boračko invalidske zaštite na području Kantona,
- c) ukupni mjesečni prihodi po članu domaćinstva ne prelaze 50% prosječne neto plate ostvarene u predhodnoj godini na području Federacije Bosne i Hercegovine (u daljem tekstu: FBiH), prema podacima Zavoda i
- d) posjeduje valjanu dokumentaciju propisanu ovim Pravilnikom za učešće u postupku.

### III Ograničenje za ostvarivanje prava na dodjelu jednokratne pomoći

(1) Pravo na jednokratnu pomoć po ovom Pravilniku nema lice:

- a) čiji ukupni mjesečni prihodi po članu domaćinstva prelaze 50% prosječne neto plate ostvarene u predhodnoj godini na području FBiH, prema podacima Zavoda za statistiku u FBiH,
- b) koje je ranije ostvarilo pravo na pomoć u stambenom zbrinjavanju po ranijim programima ovoga Ministarstva za boračka pitanja Tuzlanskog kantona i
- c) koje je dobilo donaciju od općine, kantona, Federacije ili humanitarne organizacije za stambeno zbrinjavanje.

(2) Izuzetno od stave (1) ovoga člana, pravo na novu jednokratnu pomoć po ovom Pravilniku ima lice, pod uslovom da je objekat devastiran, uništen ili oštećen usljed prirodnih nepogoda izazvanih katastrofama, odnosno ljudskim djelovanjem, a nakon ostvarivanja ranijeg prava na jednokratnu pomoć.

### IV Namjena jednokratne pomoći

(1) Finansijska sredstva za jednokratnu pomoć mogu se odobriti za:

- a) rekonstrukciju, adaptaciju ili sanaciju stambenog objekata (u daljem tekstu: objekat),
- b) obezbeđenje krovne konstrukcije,
- c) radove kojima se neuseljivi dio objekta dovodi u funkciju sa minimalnim uslovima stanovanja,
- d) za priključak na električnu ili drugu komunalnu mrežu, uz prilaganje odgovarajućeg predračuna o visini potrebnih sredstava za navedene namjene,
- e) naknadu učinjenih izdataka na objektu da bi se objekat doveo u funkciju sa minimalnim uslovima stanovanja i

f) sve druge situacije zbog kojih može doći ili je već nastupila šteta sa posljedicama.

(2) Sredstva iz stava (1) ovog člana odobravaju se sa ciljem da se spriječi šteta sa posljedicama koje dalje ugrožavaju zdravlje, život ili stambenu situaciju branilaca i članova njihovih porodica odnosno da se objekat dovede u stanje sa minimalnim uslovima za življenje.

(3) Pod minimalnim uslovima stanovanja u smislu stava (2) ovog člana, smatra se prostor koji obezbeđuje uslove za življenje i boravak u njemu.

#### **V Visina jednokratne pomoći**

Iznos jednokratne pomoći koji se može odobriti, u direktnoj je vezi sa nalazom i mišljenjem lica građevinske struke i odobrava se maksimalno do 5.000,00 KM.

#### **VI Ugovor**

(1) Na osnovu konačne rang liste, Ministar zaključuje ugovor sa licem kojem su odobrena sredstva, ukoliko lice nije u roku pokrenulo upravni spor, ili se pismeno odreklo prava na pokretanje upravnog spora.

(2) Sredstva odobrena za jednokratnu pomoć licu se mogu isplatiti tek kada potpiše ugovor kojim se obavezuje da će ista utrošiti namjenski za stambeno zbrinjavanje prema podnesenom zahtjevu.

(3) U slučaju smrti lica nakon zatvaranja oglasa, odobrena sredstva se mogu isplatiti članovima porodičnog domaćinstva iz člana 10. stav (3) ovog Pravilnika, nakon provedenog ostavinskog postupka.

(4) Lice je obavezno u roku 30 dana od dana isticanja konačne rang liste sa Ministarstvom zaključiti ugovor, u protivnom smatra će se da je odustao od odobrenih sredstava za jednokratnu pomoć.

#### **VII Način isplate jednokratne pomoći**

(1) Sredstva odobrena za jednokratnu pomoć isplaćuju se putem poslovne banke u dvije rate.

(2) Prva rata se isplaćuje odmah na način da se 50% odobrenih sredstava realizuje plaćanjem (pro) faktura za trebovani građevinski materijal.

(3) Preostalih 50% odobrenih sredstava isplaćuje se gotovinski u dvije podrate, od čega 1/2 odmah, a druga 1/2 isključivo na osnovu zapisnika o utvrđenom namjenskom utrošku prethodno doznačenih sredstava, od Službe.

#### **VII POPIS POTREBNE DOKUMENTACIJE**

Dokazna sredstva **ne mogu biti starija od šest mjeseci do momenta raspisivanja ovog javnog oglasa**, a ista se prilažu u **originalu ili ovjerenj fotografiji**.

Redni broj:	Naziv dokumenta	Organ koji izdaje dokument	Ko pribavlja dokumentaciju
1.	kućna lista kandidata u kojoj su navedeni svi članovi porodičnog domaćinstva, (original ili ovjerena fotokopija),	Gradska/Općinska služba za opću upravu i društvene djelatnosti	Podnosilac zahtjeva
2.	a) za članove PŠ-PB i RVI kopija prvostepenog ili revizionog rješenja (posljednje rješenje na snazi), b) za dobitnika ratnog priznanja i odlikovanja ukoliko nema status člana porodice šehida, poginulog, umrlog i nestalog branitelja ili RVI ovjerena fotokopija rješenja o ostvarivanju prava na mjesečni novčani dodatak, c) za DB dokaz o pripadnosti branilačkoj populaciji - uvjerenje koje izdaje nadležni organ odbrane, (dokumenti pod a), b) ili c) moraju biti dostavljeni kao original ili ovjerena fotokopija),	Gradska/Općinska služba za boračko invalidsku zaštitu  Grupa za vojna pitanja	Gradska/Općinska služba nadležna za boračko invalidsku zaštitu  Podnosilac zahtjeva
3.	dokaz o zaposlenju svih punoljetnih članova porodičnog domaćinstva i visini stalnih izvora prihoda (ftc. poslednje platne liste ovjerena i potpisana od subjekta koji je izdao / ček od PIO penzije, lična i porodična invalidnina) (original ili ovjerena fotokopija),	Organ /ustanova/preduzeće gdje je lice zaposleno ili Poslovnica PIO /MIO	Podnosilac zahtjeva

4.	uvjerenje iz ispostave porezne uprave za sve nezaposlene članove domaćinstva ili iz JU Službe za zapošljavanje - Biroa za zapošljavanje, (original ili ovjerena fotokopija),	Ispostave porezne uprave ili JU Služba/Biro za zapošljavanje	Podnosilac zahtjeva
5.	u zavisnosti od načina stambenog zbrinjavanja: a) rješenje o odobrenju za građenje ili b) 1. kopija katastarskog plana i 2. posjedovni list (oba dokumenta pod 1. i 2. kumulativno) ili c) uvjerenje Službe da kandidat živi u objektu za koji je podnijet zahtjev za dodjelu jednokratne pomoći d) predračun / račun za priključenje na električnu ili drugu komunalnu mrežu (voda, kanalizacija), e) fiskalni računi ili drugi dokaz kojim se dokazuje kupovina materijala i opreme za osposobljavanje stambenog prostora	a) Gradska/Općinska služba za urbanizam i građevinarstvo ili b) Gradska/Općinska služba za geodetske i imovinsko pravne poslove i katastar nekretnina (za dok. 1. i 2) d) Pravni subjekt  e) Pravni subjekt koji se bavi prodajom	Podnosilac zahtjeva za tačke a), b), d) i e)  Gradska/Općinska služba nadležna za boračko invalidsku zaštitu za tačku c)
6.	uvjerenje iz porezne uprave da kandidat ili punoljetni članovi domaćinstva ne ostvaruje dodatne prihode (original ili ovjerena fotokopija),	Porezna uprava FBiH Ispostave porezne uprave	Podnosilac zahtjeva
7.	zapisnik o stanju objekta na terenu,	Gradski/Općinski organ ili Civilna zaštita	Gradska/Općinska služba nadležna za boračko invalidsku zaštitu
8.	uvjerenja o posjedovanju/ neposjedovanju stana/kuće	Gradska/Općinska Služba za geodetske i imovinsko pravne poslove	Gradska/Općinska služba nadležna za boračko invalidsku zaštitu
9.	dokaz o zdravstvenom stanju kandidata ili člana domaćinstva izdat od strane ovlaštene zdravstvene ustanove i stručnog tima - konzilijuma, <u>ne stariji od šest mjeseci</u> ) (original ili ovjerena fotokopija),	JZU UKC ili druge zdravstvene ustanove	Podnosilac zahtjeva

#### **VI Rok za podnošenje zahtjeva:**

Zahtjev za dodjelu jednokratnih sredstava za pomoć u rješavanju stambenih potreba socijalno ugoženih branitelja i članova njihove porodice po ovom oglasu za 2016. godinu, podnosi se gradskoj/općinskoj službi nadležnoj za boračko – invalidsku zaštitu.

**Zahtjev se podnosi od 04.04.2016. godine najkasnije do 19.04.2016. godine,** neposredno ili na adresu:

Služba boračko - invalidske zaštite grada/općine Doboj Istok,  
ul. \_\_\_\_\_ br. \_\_\_\_\_, sa naznakom

(Obrazac zahtjeva se nalazi u Službi, soba broj \_\_\_\_\_)

Salter sala općine Doboj Istok  
**NEPOTPUNE I NEBLAGOVREMENE PRIJAVE NEĆE SE RAZMATRATI.**

Broj: Ok-41-442/16

Rokotnica, 04.04.2016.